

19 APRIL 2018

**Pemimpin pemuda parti kantoi dadah**

74 setempat 19-04-2018

## Pemimpin pemuda parti kantoi dadah

**Rawang:** Parti Pribumi Bersatu Malaysia (PPBM) Hulu Selangor mengesahkan individu yang ditahan pihak berkuasa atas kesalahan dadah adalah pemimpin sayap pemuda parti politik berkenaan.

Ketua Bahagian PPBM Hulu Selangor, Badrul Hisham Jaafar berkata, ketua pemuda parti itu yang ditangkap di rumahnya Sabtu lalu sudah lama tidak aktif dalam pergerakan parti dan gagal menghadiri sebarang mesyuarat yang diadakan.

Beliau menganggap penahanan itu tidak memberi sebarang kesan kepada perjalanan parti.

"Pada saya perkara ini tidak memberi kesan atau sebarang impak apa pun (terhadap parti).

"Sebenarnya dia sudah lama tidak aktif sejak hampir tujuh bulan. Apabila tidak aktif kita abaikan sahaja sebab kita perlukan pemimpin yang agresif.

"Bagi saya kalau seseorang itu tidak aktif atau agresif kita lupakan saja," katanya ketika ditemui wartawan di pejabat PPBM di sini semalam.

Ketua sayap pemuda parti berusia 30 tahun itu ditangkap oleh sepasukan anggota Agensi Anti Dadah Kebangsaan (AADK) Daerah Hulu Selangor di rumahnya di Kampung Tengah, Batang Kali di Kuala Kubu Bharu jam 2.15 pagi selepas menerima maklumat daripada orang awam.

Berita penahanan suspek yang dikaitkan dengan perbuatannya yang didakwa sering mengkritik kepimpinan Perdana Menteri itu turut tular di laman sosial sejak kelmarin.

Badrul Hisham berkata, beliau tidak mengenali peribadi ketua pemuda parti itu tambahan lagi dia kerap tidak hadir sebarang mesyuarat.